

গণপ্রজাতন্ত্রী বাংলাদেশ সরকার
পরিকল্পনা কমিশন
কার্যক্রম বিভাগ

নং- ২০.০৬.০০০০.৬১৮.২০.৩৭৬.২০/ ৪২

তারিখঃ

০৮ পৌষ, ১৪২৭
২৩ ডিসেম্বর ২০২০

সিনিয়র সিস্টেম এনালিস্ট এর দপ্তর পরিকল্পনা বিভাগ
ডায়েরী নং..... তারিখ.....
সিনিয়র প্রোগ্রামার, আইসিটি সেল
প্রোগ্রামার
মেইনটেন্যান্স ইঞ্জিনিয়ার
সহকারী প্রোগ্রামার-১
সহকারী প্রোগ্রামার-২
সহকারী মেইনটেন্যান্স ইঞ্জিনিয়ার

বিষয়ঃ ২০২০-২১ অর্থ বছরের সংশোধিত বার্ষিক উন্নয়ন কর্মসূচি (আরএডিপি) প্রণয়নের নির্দেশিকা (Guidelines)।

বাংলাদেশের উন্নয়ন রূপকল্প-২০২১-এর অষ্টম লক্ষ্য অর্জনে প্রণীত প্রেক্ষিত পরিকল্পনা (২০১০-২০২১), সপ্তম পঞ্চবার্ষিক পরিকল্পনা (২০১৬-২০২০) এবং জাতিসংঘ ঘোষিত Sustainable Development Goals (SDGs) এর উন্নয়ন কৌশল ও লক্ষ্যমাত্রা সমূহের আলোকে গৃহীত অর্থনৈতিক খাত ভিত্তিক উদ্দেশ্য ও লক্ষ্যমাত্রাসমূহ অর্জনের প্রধান মাধ্যম বার্ষিক উন্নয়ন কর্মসূচি (এডিপি)/ সংশোধিত বার্ষিক উন্নয়ন কর্মসূচি (আরএডিপি)। জনগণের জীবনযাত্রার মান উন্নয়ন ও দ্রুত দারিদ্র নিরসনের লক্ষ্যে প্রণীত ২০২০-২১ অর্থ বছরের বার্ষিক উন্নয়ন কর্মসূচি সংশোধনের কাজ শুরু করা হয়েছে। সংশোধিত বার্ষিক উন্নয়ন কর্মসূচি (আরএডিপি) প্রণয়নের সময় ২০২০-২১ অর্থ বছরের এডিপিতে অন্তর্ভুক্ত প্রকল্পসমূহে প্রদত্ত বরাদ্দ সংশোধন, আরএডিপিতে অন্তর্ভুক্তিযোগ্য অনুমোদিত নতুন প্রকল্পে বরাদ্দ প্রদান এবং আরএডিপিতে বরাদ্দবিহীনভাবে অননুমোদিত নতুন প্রকল্প ও বৈদেশিক সাহায্য প্রাপ্তির সুবিধার্থে প্রতিফলিত নতুন প্রকল্প অন্তর্ভুক্তিসহ অন্যান্য ক্ষেত্রে নিয়ে বর্ণিত নির্দেশনা অনুসরণ করতে হবে।

২। সংশোধিত বার্ষিক উন্নয়ন কর্মসূচির আকার ও অর্থনৈতিক খাত/উপ-খাত/সেক্টর/সাব-সেক্টর/প্রকল্প ভিত্তিক বরাদ্দ নির্ধারণঃ

দেশের সামষ্টিক অর্থনৈতিক অবস্থা বিশেষ করে অর্থনৈতিক প্রবৃদ্ধি, মুদ্রাস্ফীতি, সরকারি ও বেসরকারি খাতের বিনিয়োগ চাহিদা, সম্পদের লভ্যতা, স্থানীয় সম্পদ সংগ্রহ এবং বৈদেশিক সাহায্যের প্রাপ্তি ও ব্যবহারের সক্ষমতা, অর্থ ব্যয়ের ধারা ইত্যাদি বিবেচনায় নিয়ে সংশোধিত বার্ষিক উন্নয়ন কর্মসূচির আকার নির্ধারণ করা হয়। অর্থ মন্ত্রণালয়ের অর্থ বিভাগ আরএডিপি'র জন্য প্রাক্কলিত মোট সম্পদ (স্থানীয় উৎস ও বৈদেশিক উৎসের বিভাজনসহ) নির্ধারণপূর্বক পরিকল্পনা কমিশনের কার্যক্রম বিভাগকে অবহিত করে থাকে। অর্থনৈতিক সম্পর্ক বিভাগ আরএডিপি'র জন্য সেক্টর ভিত্তিক ও প্রকল্পওয়ারী প্রকল্প সাহায্য; জাপান ঋণ মওকুফ তহবিল (জেডিসিএফ); জাপান ঋণ মওকুফ অনুদান তহবিল (ডিআরজিএ) এবং জাপান ঋণ মওকুফ অনুদান প্রতিরূপ তহবিল (ডিআরজিএসিএফ) এর বরাদ্দ নির্ধারণপূর্বক যুগপৎভাবে সেক্টর বিভাগসমূহ এবং কার্যক্রম বিভাগকে অবহিত করবে। আরএডিপি'র মোট আকার নির্ধারণের পর কার্যক্রম বিভাগ অর্থনৈতিক সেক্টর ভিত্তিক অগ্রাধিকার, চলমান প্রকল্পসমূহের চাহিদা, প্রকল্পের বাস্তবায়ন অগ্রগতি ইত্যাদি বিবেচনা করে অর্থনৈতিক খাত/উপখাত ভিত্তিক বরাদ্দ বিভাজন করে পরিকল্পনা কমিশনের সেক্টর বিভাগসমূহকে অবহিত করবে। অর্থনৈতিক খাত/উপখাতভিত্তিক বরাদ্দ বিবেচনায় রেখে পরিকল্পনা কমিশনের সেক্টর বিভাগ সংশ্লিষ্ট মন্ত্রণালয়/বিভাগ থেকে প্রাপ্ত প্রকল্পওয়ারী বরাদ্দ প্রস্তাবের যৌক্তিকতা পরীক্ষা-নিরীক্ষা করে ও প্রয়োজনে পরিবর্তন/সংশোধন করে প্রকল্পওয়ারী বরাদ্দ নির্ধারণপূর্বক কার্যক্রম বিভাগে প্রেরণ করবে। চূড়ান্ত বরাদ্দ সংশোধনের প্রয়োজন হলে এবং তা যৌক্তিক মনে না হলে কার্যক্রম বিভাগ সংশ্লিষ্ট সেক্টর বিভাগ ও মন্ত্রণালয়/বিভাগের সাথে আলোচনা করে বরাদ্দ সংশোধন করতে পারবে।

৩। প্রকল্পভিত্তিক অর্থ বরাদ্দ প্রদানের নির্দেশনাঃ

২০২০-২১ অর্থ বছরের সংশোধিত এডিপিতে প্রকল্পভিত্তিক বরাদ্দ প্রদানের ক্ষেত্রে নিয়ে বর্ণিত নির্দেশনা অনুসরণ করে সকল উদ্যোগী সংস্থা/মন্ত্রণালয়/বিভাগ প্রকল্প (চলতি প্রকল্প ও নতুন অনুমোদিত প্রকল্প) ভিত্তিক বরাদ্দ প্রস্তাব আবশ্যিকভাবে ADP/RADP Management System এর মাধ্যমে এবং হার্ডকপি প্রচলিত পদ্ধতি অনুসরণ করে প্রেরণ করবেঃ

ক) প্রকল্পভিত্তিক অর্থ বরাদ্দ প্রস্তাবের ক্ষেত্রে অনুসৃতব্য সাধারণ নির্দেশনাঃ

- (১) শুধুমাত্র অনুমোদিত প্রকল্প বরাদ্দসহ আরএডিপিতে অন্তর্ভুক্ত করা যাবে। নতুন অনুমোদিত প্রকল্প অনুমোদন আদেশ ও প্রশাসনিক আদেশ জারি ব্যতীত আরএডিপিতে অন্তর্ভুক্ত করা যাবে না। নতুন অনুমোদিত প্রকল্পের অনুমোদন আদেশ ও প্রশাসনিক আদেশসহ বরাদ্দ প্রস্তাব করতে হবে।
- (২) দারিদ্র বিমোচনের সাথে সরাসরি সংশ্লিষ্ট প্রকল্পসহ বিভিন্ন মন্ত্রণালয়/বিভাগের আওতাধীন প্রকল্পসমূহের অগ্রাধিকার বিবেচনায় রেখে সংশোধিত এডিপিতে বরাদ্দ প্রস্তাব করতে হবে।

- (৩) আরএডিপিতে অর্থ বরাদ্দ প্রদানের ক্ষেত্রে কোভিড-১৯, কৃষি, কৃষিভিত্তিক শিল্প, বিদ্যুৎ উৎপাদন, আইসিটি শিক্ষার উন্নয়ন, দারিদ্র হ্রাসকরণ এবং প্রাকৃতিক দুর্যোগ যেমন ঘূর্ণিঝড়, জলোচ্ছাস, বন্যা, অতিবৃষ্টি ইত্যাদির ক্ষয়ক্ষতি পুনর্বাসন সংক্রান্ত প্রকল্পে বরাদ্দ প্রদানে অগ্রাধিকার দিতে হবে।
- (৪) সংশোধিত এডিপিতে অর্থ বরাদ্দ প্রদানে সরকারি - বেসরকারি অংশীদারিত্বের (PPP) ভিত্তিতে গৃহীত উদ্যোগ বাস্তবায়নে সহায়ক প্রকল্প (Link Project) গুরুত্বসহকারে বিবেচনা করতে হবে।
- (৫) বৈদেশিক সাহায্যপুষ্ট (সাহায্য চুক্তি স্বাক্ষরিত/সাহায্য প্রাপ্তির সুনিশ্চিত অঙ্গীকারপ্রাপ্ত) প্রকল্পে চলতি অর্থ বছরে প্রাপ্ত বৈদেশিক সাহায্য ব্যবহারের নিমিত্ত পরিপূরক স্থানীয় মুদ্রা (Matching Fund) বরাদ্দের দাবী/প্রস্তাবকে অগ্রাধিকার দিতে হবে।
- (৬) সংশোধিত এডিপিতে এলাকা/অঞ্চল ভিত্তিক সুসম উন্নয়নের লক্ষ্যে গৃহীত প্রকল্পসমূহে বরাদ্দ প্রদান নিশ্চিত করতে হবে।
- (৭) ধীর গতি সম্পন্ন প্রকল্প বা ব্লক প্রকল্প হতে বরাদ্দ হ্রাস করে দ্রুত বাস্তবায়ন গতি সম্পন্ন প্রকল্পে প্রয়োজনীয় বরাদ্দ প্রদান করতে হবে।
- (৮) সংশোধিত এডিপি'র খাত ও উপ-খাত (সেক্টর/সাব-সেক্টর) এর নির্ধারিত স্থানীয় মুদ্রায় মোট বরাদ্দ অপরিবর্তিত রেখে অগ্রাধিকারের ভিত্তিতে আন্তঃ প্রকল্প বরাদ্দ সমন্বয় করা যাবে।
- (৯) অনুমোদিত ডিপিপিতে প্রাইস কন্টিনজেন্সি ও ফিজিক্যাল কন্টিনজেন্সি খাতে সংস্থানকৃত অর্থ ব্যবহার সংক্রান্ত নীতিমালা অনুযায়ী যথাযথ কতৃপক্ষের অনুমোদনক্রমে ডিপিপি'র সংস্থান পরিবর্তন ব্যতিত এ খাতের অর্থ কোন প্রকল্পের অনুকূলে বরাদ্দ প্রদান করা যাবে না।
- (১০) জেডিসিএফ, ডিআরজিএ ও ডিআরজিএসিএফ স্থানীয় উৎস হিসেবে বিবেচিত হবে।

খ) চলতি ২০২০-২১ অর্থ বছরে প্রকল্পের মূল এডিপি বরাদ্দ সংশোধনে অনুসৃতব্য নির্দেশনাঃ

- (১) প্রকল্পের অনুমোদিত প্রাক্কলিত ব্যয় এবং ক্রমপুঞ্জিত ব্যয়ের নিরিখে চলতি অর্থ বছরের অনুমোদিত ক্রয় পরিকল্পনা অনুসারে অর্থ বছরের বাকি সময়ে যুক্তিসঙ্গত ও সম্ভাব্য ব্যয় বিবেচনায় সংশোধিত এডিপিতে অর্থ বরাদ্দের প্রস্তাব করতে হবে।
- (২) চলতি অর্থ বছরে সমাপ্তির জন্য নির্ধারিত প্রকল্পে প্রয়োজনীয় অর্থ বরাদ্দ নিশ্চিত করতে হবে। প্রয়োজনে চলমান ধীর গতি সম্পন্ন প্রকল্প অথবা অন্য কোন প্রকল্প হতে উপযোজনের মাধ্যমে প্রয়োজনীয় বরাদ্দ নিশ্চিত করতে হবে।
- (৩) অতিরিক্ত বরাদ্দ প্রদান কিংবা উপযোজনের মাধ্যমে কোন চলতি প্রকল্পের বরাদ্দ সংশোধন করা হয়েছে এমন প্রকল্পে সংশোধিত বরাদ্দ প্রস্তাব প্রতিফলন করতে হবে।
- (৪) কোন চলতি প্রকল্পে বরাদ্দ প্রস্তাবের ক্ষেত্রে লক্ষ্য রাখতে হবে তা যেন ইতোমধ্যে ছাড়কৃত অর্থের তুলনায় কম না হয়।
- (৫) প্রকল্প সাহায্য বরাদ্দের ক্ষেত্রে উন্নয়ন সহযোগী দেশ/সংস্থার সাথে স্বাক্ষরিত চুক্তির মেয়াদ বিবেচনায় রেখে ২০২০-২১ অর্থ বছরে যুক্তিসংগত এবং সম্ভাব্য ব্যয়ের ভিত্তিতে স্থানীয় মুদ্রা ও প্রকল্প সাহায্য বরাদ্দের প্রস্তাব করতে হবে।
- (৬) প্রকল্প সাহায্য (ডিপিএ/আরপিএ), জেডিসিএফ, ডিআরজিএ ও ডিআরজিএসিএফ বরাদ্দের ক্ষেত্রে অর্থনৈতিক সম্পর্ক বিভাগ কর্তৃক নির্ধারিত বরাদ্দ চূড়ান্ত বলে গণ্য হবে।
- (৭) সরকারের আমদানী শুল্ক ও মূল্য সংযোজন করের (সিডি ভ্যাট) হার এবং আমদানী পণ্য মূল্যের নির্ধারিত বিনিময় হার অনুসারে সিডি ভ্যাট বাবদ প্রয়োজনীয় বরাদ্দের প্রস্তাব করতে হবে।
- (৮) প্রকল্পের জিওবি বরাদ্দ অংশে নগদ বৈদেশিক মুদ্রার প্রয়োজন হলে উক্ত বরাদ্দ প্রস্তাব আরএডিপি ছকের অন্যান্য কলামে (কলাম নং ১৮) প্রতিফলন করতে হবে।
- (৯) অনুমোদিত/সংশোধিত অননুমোদিত প্রকল্পের অনুমোদিত ডিপিপি'র সংস্থানের অতিরিক্ত বরাদ্দ প্রস্তাব করা যাবে না। এছাড়া সর্বশেষ অনুমোদিত ডিপিপি অনুযায়ী প্রকল্পের ব্যয় (আরএডিপি ছকের কলাম-৪ ও ৫) প্রতিফলন করতে হবে।
- (১০) প্রকল্পের প্রস্তাবিত বরাদ্দের খাত ভিত্তিক টাকা, প্রকল্প সাহায্য, টাকাংশ, মূলধন, রাজস্ব, সিডি ভ্যাট, নগদ বৈদেশিক মুদ্রা ইত্যাদি বিভাজনের ক্ষেত্রে সর্বশেষ অনুমোদিত ডিপিপি'র সংস্থানের অতিরিক্ত প্রস্তাব করা যাবে না।

